



Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports

Broj: 12/04-01-04-55454-38-3/25
Sarajevo, 10.04.2025. godine

KANTON SARAJEVO
SKUPŠTINA KANTONA SARAJEVO
gosp. Elvedin Okerić, predsjedavajući Skupštine
- Ovdje -

Zastupnica u Skupštini Kantona Sarajevo Jelena Pekić u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo”, br : 41/12 - Drugi novi prečišćeni tekst , 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) na 19. radnoj sjednici Skupštine Kantona Sarajevo u okviru tačke Dnevnog reda „Poslanička/zastupnička pitanja, inicijative i odgovori“ dostavila zastupničku inicijativu koja glasi :

„Inicijativa za podizanje šampionskih banera KK Bosna u dvorani „Mirza Delibašić“ i dvorani D1“.

Prilog 1: Zastupnička inicijativa zastupnice Jelene Pekić

U odgovoru na navedenu zastupničku inicijativu ističemo slijedeće:

Ministarstvo kulture i sporta Kantona Sarajevo dostavilo je predmetnu inicijativu Ministarstvu privrede Kantona Sarajevo i KJP Centar „Skenderija” d.o.o. Sarajevo, broj: 12/04-01-04-55454-38-2/25 od 26.03.2025. godine, obzirom da je dvorana „Mirza Delibašić“ i dvorana D1 u sklopu KJP Centar Skenderija d.o.o. Sarajevo koje je u nadležnosti Ministarstva privrede Kantona Sarajevo.

Ministarstvo kulture i sporta Kantona Sarajevo u načelu podržava predmetnu inicijativu uzimajući u obzir da je KK „Bosna“ simbol sportskog duha Sarajeva i jedan od najuspješnijih sportskih kolektiva u istoriji naše zemlje sa postignutim uspjesima u domaćim i međunarodnim takmičenjima, da je bila prvak Evrope 1979. godine, a da bi se podizanjem šampionskih banera odalo priznanje klubu i sportistima za njihov doprinos razvoju sporta i zajednice.

Prilog 2: Dopis Ministarstva kulture i sporta Kantona Sarajevo, broj: 12/04-01-04-55454-38-2/25 od 26.03.2025. godine.

Odgovor pripremila Koordinator izrade odgovora
na poslanička pitanja i inicijative
[Redacted Signature] šef Odjeljenja za pravne poslove

Dostaviti:

1. Naslov,
2. a/a.

MINISTARSTVO
KULTURE I SPORTA
[Redacted Signature]
Kenan Magoda



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-55454-38/24
Sarajevo, 28.01.2025. godine

-MINISTARSTVO KULTURE I SPORTA KANTONA SARAJEVO

PREDMET: Zastupnička inicijativa, dostavlja se –

Zastupnica Jelena Pekić u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), u okviru 19. radne sjednice Skupštine Kantona Sarajevo, uputila je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Amela Smailagić-Čamdžić
Kontrolisala: Aida Zeković

**PREDSJEDAVAJUĆI
SKUPŠTINE KANTONA SARAJEVO**

Elvedin Đkerić



CO:

- sekretar SKS
- sekretar Vlade

Klub SDP BiH
Zastupnica Jelena Pekić

Sarajevo, 27.01.2025. godine

ZA:

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo**

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Ministarstvu kulture i sporta Kantona Sarajevo;

Inicijativa za podizanje šampionskih banera KK Bosna u dvorani "Mirza Delibašić" i dvorani D1.

OBRAZLOŽENJE:

Ovom prilikom upućujem inicijativu da se u dvorani "Mirza Delibašić" i dvorani D1, koje se nalaze u sklopu KJKP Skenderija, podignu šampionski baneri Košarkaškog kluba Bosna. Ova inicijativa ima za cilj očuvanje tradicije i isticanje uspjeha jednog od najvažnijih sportskih kolektiva u historiji Sarajeva i Bosne i Hercegovine.

Košarkaški klub Bosna simbol je sportskog duha Sarajeva i jedan od najuspješnijih sportskih kolektiva u istoriji naše zemlje. Osnovan 1951. godine, KK Bosna je svojim uspjesima u domaćim i međunarodnim takmičenjima ispisao zlatne stranice sporta, a vrhunac je svakako bio osvajanje titule prvaka Evrope 1979. godine, što je i danas jedinstven uspjeh za našu zemlju.

Praksa podizanja šampionskih banera u sportskim dvoranama uobičajena je širom svijeta. Na taj način se odaje priznanje klubovima i sportistima za njihov doprinos razvoju sporta i zajednice. KK Bosna ne samo da je sportski simbol, već i važan dio identiteta Sarajeva, grada koji je uvijek bio poznat po svojoj ljubavi prema sportu i uspjesima u različitim disciplinama.

Podizanjem ukupno 14 šampionskih banera u dvoranama "Mirza Delibašić" i D1 dodatno bi se istakli uspjesi KK Bosna:

1x prvak Evrope (Eurolige) – jedini tim s ovih prostora koji je osvojio ovaj prestižni naslov.

4x prvak Bosne i Hercegovine – uspjesi u domaćem šampionatu.

4x pobjednici Kupa Bosne i Hercegovine – dodatno potvrđivanje dominacije na domaćoj sceni.


3x šampioni Jugoslavije – jedan od najtežih i najkvalitetnijih ligaških sistema u svijetu u to vrijeme.

2x pobjednici Kupa Jugoslavije – dodatna potvrda kvaliteta na prostoru bivše Jugoslavije.

Ovi baneri ne samo da će biti priznanje svim generacijama igrača, trenera i navijača, već će služiti i kao inspiracija novim generacijama sportista te podsjećanje na vrijednosti kao što su trud, zajedništvo i ljubav prema sportu. Molim da razmotrite ovu inicijativu i, u skladu s mogućnostima, pokrenete proces postavljanja šampionskih banera KK Bosna u pomenutim dvoranama.

Molim vas da odgovor na inicijativu dostavite i u elektronskoj formi na službeni mail jelena.pekic@skupstina.ks.gov.ba

S poštovanjem,

Jelena Pečić,

Zastupnica u Skupštini Kantona Sarajevo

Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12/04-01-04-55454-38-2/25
Sarajevo, 26.03.2025. godine

KANTON SARAJEVO
MINISTARSTVO PRIVREDE
gosp. Zlatko Mijatović, ministar

Predmet: Inicijativa za podizanje šampionskih banera KK „Bosna“ u dvorani „Mirza Delibašić“ i dvorani D1, *dostavlja se*

Poštovani,

Zastupnica u Skupštini Kantona Sarajevo Jelena Pekić na 19. radnoj sjednici Skupštine Kantona Sarajevo u okviru tačke Dnevnog reda „Poslanička/zastupnička pitanja, inicijative i odgovori“ uputila je Ministarstvu kulture i sporta Kantona Sarajevo zastupničku inicijativu za podizanje šampionskih banera KK „Bosna“ u dvorani „Mirza Delibašić“ i dvorani D1.

Obraćamo Vam se predmetnom inicijativom obzirom da je dvorana „Mirza Delibašić“ i dvorana D1 u sklopu KJP Centar Škenderija d.o.o. Sarajevo koje je u nadležnosti Ministarstva privrede Kantona Sarajevo, te uzimajući u obzir da je KK „Bosna“ simbol sportskog duha Sarajeva i jedan od najuspješnijih sportskih kolektiva u istoriji naše zemlje, sa postignutim uspjesima u domaćim i međunarodnim takmičenjima, da je bila prvak Evrope 1979. godine, a da bi se podizanjem šampionskih banera odalo priznanje klubu i sportistima za njihov doprinos razvoju sporta i zajednice.

S poštovanjem,

Prilog :

1. Zastupnička inicijativa zastupnice Jelene Pekić

Dostaviti:

1. Naslov,
2. KJP Centar „Škenderija“, u. Terezija BB, 71000 Sarajevo
3. a/a.

